

Ki mamanda gackito,
Epitc nita8iton
Kit ok8isisima ma
Tebenindang 8ak8ing,
Ket na ki p8ana8ito
Kekon enenindaman

Tanasak kitcikami
Gotc anote ena8akak
Aiapitci noting,
Mi nasap ka tian,
Ki teing iki azin
Meekot dac pekate nindint.

DE TES ENFANTS REÇOIS L'HOMMAGE.

Saiakieg kitcit8a Mani,
Epitcieg pizindamok :
Ka niso piponesite Mani,
Pisikenindamogoban,
Mi apitc pekitinama8atc
Sia8 tebeniminangon,
Kitcit8a J8acen gaie Anna
Jerusaleming iji8ak ;
O kitcit8a otanisi8an
Ot iji8ina8an gaie ;
Ka pindiketc Mani Dion en-
danite
Mi i 8a8indama8atc ij inatc
Kije Manito ki pakitinamon
Kakik i8i tesanak8e8ian.

Mitaso pipon acitc nanan,
Ka apitisitc Mania
Caie dac eni tibisenik
Seositc tei ag8acingetc,
Kije Manito ot anonan
Anjeni8an Gabrielan
Mi gotc ij otisamigetc
Mani endatc Nazareting
Songa o pi anamikagon :
Apitci Senicician
Kakina neta8itotc kit apitak,
Keget ki kitcit8a8enindagos:
Okat ok8isisiman ni g8isisan,
Kit inenimik Kije Manito.

I ki8enite onikiigon
8in Mani ka8in ki8esi
Kitci aiamie miki8am
I8i kitcit8a apitang
Ondjita keget 8enicicing
G8aiak8akoteni ote,
Gaie o mitonenindjigan
Kakik 8ak8ing iji8eni ;
Ondjita kakik inanoki
Kije manito8i8ining.
Mitaso pipon acitc ningo
pipon,

Ni tibenimik Dio, i8a,
Ekicon, kekona tian ;
Migetc i cesininik 8ak8i
Seositc dac pi nanjise ;
Anicinabe8iutizo
Sia8ing kitcit8a Mani.
Nanage o madji Sabaman
Kitcit8a Elisabetan
Endanite i pinkiketc Mani
Songa o anamika8an
Mi i ca8enindagosite Janba-
tist

Oki apitan Dion endanite,
Mi apitc itibisenik tei ki8etc
O nikiigon endanakinite.

Okin Sia8ining meg8atc itate.
Kitcit8a Mani gaie Elizabet
Kitci mamoi8akenindamok.